

de Troyes, saint Sepulchre, les Caves et Montillues, Tremilly, Basson, Cussangy, Alledondieres, et Ornes en Berry, saint Brisson, Aultry, la Mothe Josserand et toutes leurs appartenances et dependances.

La tierce fut une fille dudit Eddouard , nomme Anne, qui fut femme de troys mareschaulx de France, et eust les.....

Le deuxiesme filz dudit seigneur Guillaume fut nomme Guichard, lequel mourust sans enfans a la bataille de.....

Messire Robert, quatriesme filz de messire Guichard le Grand, frere de messire Eddouard, mareschal de France, de messire Guichard et de messire Guillaume , fut seigneur de Joz sur Tarrare, et espousa madame Agnes de Vienne, dame de Chadenay, fille de messire De laquelle dame il eust ung filz nomme Guichard, lequel fut faict nouveau chevalier en Flandre au temps que le roy Charles de France assiegea et prit la ville de Lesde, qui fut en lan mil trois cens quatre vingt cinq , le trentiesme jour daoust. Si fut faict chevalier ledit Guichard par messire Eddouard de Beaujeu, seigneur de Beaujolloys, son cousin germain. Outre plus eust mondit seigneur Robert, Marguerite, Jehanette et Jehan qui mourust a Montmerle lan mil trois cens quatre vingt et six, leJ., our de, et fut enterre a Belleville.

Ledit messire Robert, seigneur de Joz , fut un tres noble chevallier en son temps, agreable a Dieu et au monde , et mourust avant sa femme lan de notre Seigneur Jesus-Christ mil trois cens quatre vingt et, le jour de Pasques, et fut mis en l'esglise Notre Dame de Belleville, avec ses parens a grand triumphe et honneur.

Messire Guichard son filz alla au saint voyage doultremer, et mourust aupres d'Affricque, le sixiesme jour de septembre lan mil trois cens quatre vingtz et dix , au temps que le duc Loys de Bourbon fist une armee et mena grande noblesse de France, et assiegea Affricque avec les Genefroys ; et la tint